



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1460. usque ad annum 1478

**Fleury, Claude**

**August. Vind. [u.a.], 1768**

**VD18 90118332**

§. 136. Legatio Ferdinandi Neapolitani Regis ad Papam

---

[urn:nbn:de:hbz:466:1-66459](https://nbn-resolving.org/urn:nbn:de:hbz:466:1-66459)

Francofordiae Anno millesimo sexcente-  
 simo septimo typis excusi habentur, ut  
 jam alibi meminimus.

Sæcul. XV.  
 A.C. 1465.

## §. CXXXVI.

*Legatio Ferdinandi Neapolitani  
 Regis ad Papam.*

Ineunte anno millesimo quadringentesi-  
 mo sexagesimo quinto Ferdinandi Nea-  
 polis Regis Legati Romam advenerunt,  
 & a Papa summis honoribus excepti, in  
 Patrum Senatu die decima quinta Februa-  
 rii celebrato auditi sunt. Hi præprimis  
 hunc in modum perorabant; tempus ap-  
 propinquat, intra quod nuptiæ inter Al-  
 phonsum Regis nostri Filium, & Hyppoly-  
 tam Francisci Sfortiæ Mediolanensis Du-  
 cis Filiam celebrarentur, proin rogamus  
 sanctitatem vestram, ut Sedis Apostolicæ  
 Legatum eo mittere velit, qui sponfos  
 solemnem precatione conjungeret. Deinde  
 referebant, quod Mahometes II. Neapo-  
 lim Legatum decrevisset, qui de victoria,  
 qua hostes suos regno expulerat, Regi  
 gratularetur, simulque si forte Rex Italo-  
 rum Principum quemquam bello petere  
 vellet, octingenta aureorum millia polli-  
 ceretur, necnon eidem significaret, quod  
 Mahometes Regis filio propriam suam  
 Filiam nuptui tradere paratus esset, aut si  
 forte ejusmodi connubio dispar Religionis

*Expient. in  
 Comment. 1.9*

M 3

ratio



Sæcul. XV. ratio obstaret, quamdam ex supremis  
A.C. 1465. Ottomanici Imperii Ministris filiam offerret, quæ Christianorum sacris initiata ab ipsis Imperatoribus Græcis originem duceret; Insuper Mahometes dotis nomine ducenta aureorum millia, aut si opus esset, plura adhucdum spondebat. Hæc Regis Oratores Pontifici exponebant, addentes, Ferdinandum hac super re, inconsulta sua Sanctitate, nihil decidere voluisse, sed consilium ab ejus ore præstolari, illumque postea ad Mahometem Legatos missurum, qui ad singula responderent. His ita propositis Legati discesserunt; Papa vero Cardinalium sententias rogavit.

## §. CXXXVII.

*Cardinales hac in re a Papa in  
 Consilium adhibiti.*

*Spond. Con-  
 tin. ann. ad  
 ann. 1465.  
 num. I.*

Ante omnes Bessarion Cardinalis Sacri Collegii Decanus his verbis sententiam suam edixit: præprimis futura Alphonsi, qui Ferdinandi Regis filius est, Sponsa, si Romam pertranseat, dignis Regiæ Majestatis honoribus excipiatur; circa Nuntium vero Apostolicum Neapolin mittendum censeo, vitanda esse ejusmodi novitatum exempla; periculosum enim est novam consuetudinem inducere,